

絳縣志卷之十四

藝文第三

詩 舊志序附

故絳行

唐 杜 顥

君不見銅鞮觀數里城池已蕪漫君不見虜祠宮幾
重臺榭亦微濛介馬兵車全盛時歌童舞女妖艷姿
一代繁華皆歇絕九原唯望塚纍纍

故絳城

宋 司馬光

文公恢霸畧征討輔周衰累世爲盟主諸侯聽會期

絳縣志

卷之十四

藝文第三

一

山河表裏在朝市古今移欲訪虜祠處鄉人亦不知

送公期得假歸絳

宋 歐陽修

風吹積雪銷太行水暖河橋楊柳芳少年初仕卽京
國故里幾歸成鬢霜山行馬瘦春泥滑野飯天寒餠
粥香畱連芳物佳節過東帶還來朝未央

馬跑神泉

宋 盧 象

將軍稱賀魯遺廟俯靈淵滌滌噴蛟龍穴波跳赤鯉泉
路迴芹澗水村近石林煙野馬含暄氣農夫出故廬
土膏興耒耜尸祝傍山顛閱世無銘石茲遊匪幕天

頃來規下宇必葺慕先賢悅使成能事掄材出俸錢
仇香推幹蠱班匠擇精專黜聖何其麗樂樞本自然
松青離石道雲白介山田適嘆飛翬速仍憂黃雀穿
梨花寒食後桂籍酒樽前饑麝尋香柏流鶯助晚絃
吳歛摧玉笋趙舞落金鈿上已無過酒春衣試欲湔
故園思鞏洛禊飲客汾川寄語西河老鄉心朝暮懸
過介之推廟

宋張商英

十九年從晉重耳艱棘憂危同踐履田中丐食桑下
謀繭足周旋垂萬里一心奉事不自欺逆知天意開

絳縣志

卷之十四

藝文第三

二

公子及河忽聞舅犯言如以朝衣蹈泥滓鄙夫豈可
與同行攜母入山甘隱藏公子歸來霸業強築壇踐
土尊天王大夫卿士環佩鏘斬祛寺人分頡頏念子
昔者皆奔亡舍我長遊情但傷大蒐縱火焚山岡烈
焰不肯回剛腸嗟乎義士不可量何人謬作龍蛇章

凝翠亭

元劉遂初

縱目孤亭上河山暫展容風寒無六月雲重失千峯
日下中條隱霄間華岳重登臨懷古晉形勢見提封

豐樂亭

元絳州牧宋克篤

當年凝翠構高亭今日題爲豐樂名百里桑麻森夏
景四郊禾黍見秋成繡衣登覽曾畱咏皂蓋來遊忻
有賡永願河清並海晏普天簫鼓慶昇平

絳陽懷古

元 劉遂初

三晉規模大河山括地廻族亡悲二五國霸憶羣才
落日黃原映晴天翠嶂開山鳥爲我至一夕滿庭槐

絳縣吟

元 宋克篤

絳山青青絳水流老人原不知春秋都邑之遷由晉
侯新絳故絳皆增修東來已觀滄水洲潞公庭下曾

絳縣志

卷之十四

藝文第三

三

遲畱西還直抵荀息邱爰攜詩友同追遊姜嫄庭下
松陰幽車箱故城烟草稠老人豈是夷齊儔采薇一
歌聲傲周東雍龍頭與馬頭富公活民來青州自慚
政拙無嘉謀按部適至臯落陬一州六縣思分憂軍
儲給散錢斯週河南不日烟塵收普天同沐恩波優
絳陽小臣無所酬古人所有我願求以此奉職其何
尤

瑞麥詩

元 鄭 輔

絳山高原平百里亥字老人年莫記土風尙古民愈

勤鑿井耕田務農事應時需雨足甘潤宿麥盈疇人
已喜青稍滾浪彌隴平綠葉翻光密交穗鱗鱗膏壤
周數畝一莖所出六七爾雖致關內重兩岐豈獨漁
陽雙穗美老農自言生畝畝髮白未嘗逢此瑞愛民
父母二千石倅郡孜孜猶愷悌寬平令尹人自安餘
惠所加無不至民和政和天地和協氣薰蒸作豐歲
繪圖來上駭衆目一日歡聲流遠邇太平景况民力
餘鼓腹嬉遊飽清世

前題次韻

元 吳克禮

絳縣志

卷之十四

藝文第三

四

古絳名都盛閭里土厚民勤前史記四郊鑿井且耕
田百室勸工兼樂事不才衰晚謬分符偶值豐穰良
足喜席憲麥地二畝餘秀出一莖三五穗橫流協氣
天地和出應聖時非適爾圖形統素上儀曹未媿來
楚形頌美兩岐而秀特爲常異畝而同莫稱瑞自嗟
從來昧循良復媿臨民非愷悌日迷衮衮簿書間
驚此物奚爲至休論手倉成有年且喜三農成樂歲
遼遼堯俗幾千年况指平陽尤密邇懽呼擊壤且與
歌此時再道唐虞世

涑陽書院

元 宋克篤

諸處寥寥厥序庠喜聞於此誦琅琅爰停皂蓋絳山下幸視青衿涑水陽道祖仲尼文郁郁鄉隣君實事彰彰牙籤架插餘三萬子讓家書富所藏

絳侯廟

元 劉遂初

知畧休誇平與良知人百代仰高皇軍中左袒如翻掌始信安劉在木強

絳侯墓

元 宋克篤

君不見呂雉鳴晨思構難天贊元臣輔西漢陳平定

絳縣志

卷之十四

藝文第三

五

計去交驩絳侯一呼軍左袒呂氏既誅劉氏興絳侯歸絳常兢兢如何却畏書牘背持兵以見疑徒增嗚呼絳侯雖已老有子條侯生更好細柳令嚴天子驚塞上烽烟歸一掃今我遊絳邑墓傍有古柏蒼蒼傲雪色不凋猶似當年木強色

和僉憲節齋先生韻

元 權 劉履謙

豐樂亭扁幾百秋登臨到此滿懷幽偏宜乘暇讀書史亦可公餘少燕酬南望青山連市井東觀綠水灌田疇龕閣讀罷清詩句風憲文章道統周

贈絳邑劉履謙

元馬元臣

絳邑劉賢尹居官政教新盡將游俠子化作讀書民
澮水清千古行山接四隣邈哉堯舜俗今日復還純

行臺夜坐

明楊錦

風色淒淒羣動寂孤燈獨坐意蕭然幽禽饑集寒枝
上遠柝聲聞朱戶前經濟無功慚綺饌馳驅何事報
蒼天閑來庭下頻翹首金闕遙應北斗連

姜嫄祠

明楊錦

姜嫄有遺廟寂寞萬山中虛閣猶蒼樹荒庭自野蓬

絳縣志

卷之十四

藝文第三

六

地偏經過少客至禮儀隆稽事開周祚生民報不窮

前題

明邑令黃維翰

攬衣直上鳳凰臺萬里無雲絕點埃履跡至今成幻
夢誕真自古志靈胎荒林有廟巢烏鵲粒食何人闢
草萊我亦東南耕稼客曉來稽首叩庭階

謁晉文公廟兼懷恭世子

明黃維翰

晉國山河今代在今人追念昔人難閒關十九魂銷
盡謀國親疎意未闌圖霸要知殉節重待烹休作出
亡看揮毫無限傷心事古墓陰濃泪暗彈

華山晚照

明邑令 黃維翰

碧海蕭蕭落木稠
淡雲寫出萬山秋
斜暝一帶明光
錦點綴瓊樓上玉鈎

沸水濂波

明 黃維翰

洪爐鼓鑄漾金波
蛟杼風梭裊碧羅
好景不隨流水
逝到來吾欲挽天河

石洞飛雲

明 黃維翰

仙郎煉藥已千年
此地猶餘萬斛煙
會向神龍作霖
雨肯隨暖日映藍田

絳縣志

卷之十四 藝文第三 七

柏林積雪

明 黃維翰

參天黛色已崢嶸
古幹凌霜舊有名
爲愛冰花清不
染長教畱作歲寒盟

湫池舒光

明 黃維翰

一派靈源帝座通
夜來紫氣滿龍宮
五花噴出千尋
雪野老狂呼烟雨中

澮灘落雁

明 黃維翰

數幅霞箋錦字斜
沙頭亂點白蘋花
南飛爲報瀟湘
客四海常懸未問家

絳山曉日

明黃維翰

六丁捧出海珠紅圖寫峯巒一望中千古堯民欣就
日至今佳氣鬱葱龍

古剎靈泉

明黃維翰

飛蓋朝從鷲嶺遊三泉品列號靈邱可知一片如來
意誰苦誰甜就裏求

三泉並出甘苦各分故云

太陰山

明徐賁

巍巍太陰山崖壁拔嶄峭積水嵌層墟凜若太古造
凍深草木堅僵立勢難撓高寒橫障空陽景未嘗到

絳縣志

卷之十四 藝文第三

八

隣有羲和墓欲問莫可弔如何於此地獨不被臨照
至今山中鳥無性識晴昊聊爲志其事因之發長嘯

譙樓

明耿純

咫尺齊雲接廣寒四圍環繞碧闌干近霜叩處天將
曙帶月敲時漏欲殘喚醒禪機談貝葉驚回旅夢整
歸鞍千門萬戶交相語喜得晨興夜寢安

絳縣老

劉漢儒

絳縣有老人漫不記甲子趙文召不來泥塗固自喜
一遇晉師曠頓爾失年齒噫嘻錢鏗八百非不多人

生何苦爲形累

撤公殉節詩

國朝 張可前

嗚呼撤公死不朽挺身殉國誠非偶封疆諸臣固其
宜廣文先生亦何有可憐江城戰血腥羣寇殺人如
剪韭公獨慷慨植綱常成仁之志蓄已久袍笏入廟
拜先師北望遙謝君恩厚從容端坐明倫堂厲聲叱
咤雷霆吼鼻端出火齒穿齦拍案怒罵不絕口縱死
能令賊膽寒浩氣磅礴歸北斗陰風慘黯日無光碧
血淋漓篆蚪蚪招魂宛在湘水涯埋骨宜卜泰山阜
絳縣志

卷之十四

藝文第三

九

輝煌俎豆照丹楹姓字文章金石壽君不見草間乞
活紛出走生存七尺看亦醜試問有面見公否嗚呼
撤公死不朽

前題

胡在恪 湖廣

朝衣罵賊芹宮上壬午嘉平望日前郡邑當時歸鼎
沸乾坤從此入烽烟鬼神盡爲先生泣簡策都將後
死傳感嘆已成今古事故居何意弔新田

送張中峯歸里

五首

國朝 陳霆萬

疏蕪邑里劇堪憐籍甚循聲屬大賢五載澤深流激

水三春人樂醉秧田喧枝鳥雀庭還靜入牖雲山夢
亦閒却怪鶴糧餘一頃賦歸平子乞林泉

誦謗輿人逐影聲風流去日是眞評但看遍道千家
泣若個居官一味清帶雨曉犁勞勸課鳴鐘夜月苦
逢迎年來心力應俱憊揮手江東學步兵

圖畫攀轅事絕書二疏當日可相如四時巧宦終輸
拙一着先機合遂初載篋詩篇裝不薄沾衣碑字淚
偏餘飽看解組人多少循吏如君計豈疎

頭銜手板苦無休駟馬高車此大憂料道省郎能俯

絳縣志

卷之十四

藝文第三

十

拾公請告時銓部有行取之檄幾登是選以拜疏不果邠知家墅足勾畱秋雲
去路愁烟樹晴日歸來續釣遊仕宦似君眞獨醒眼
前強半醉鄉侯

牢落常年老一鴟溪山雖好對愁眠得從漢上依劉
表且喜源明愛鄭虔交久總知離緒惡道高肯爲宦
情牽雙鳧遮莫飛將去望斷郵亭隔暮煙

翼城李司鐸步予洪洞道中韻詩以獎之

國朝

德保

絳帳無須羨馬融依然桃李慕春風籍從絳縣仙踪

近出宰衡陽雁影紅講席周旋官最冷家園咫尺路
還通好將雅化培多士助我驅歸大道中

姜嫄祠

國朝 署令 熊名相

存雲嶺上鳳凰臺古墓何年松柏栽王跡肇基歆履
武蒸民粒食降靈胎華山晚照當軒入涑水清流繞
廟來荏菽禾麻功德遠居民也曉說郊禡

華山晚照

國朝 張允中

東南紫氣裊晴雲漠漠寒林落照紛爲愛天開圖畫
好青巒紅葉映斜暉

絳縣志

卷之十四 藝文第三

十一

沸水濂波

國朝 張允中

婉轉波痕淺淺沍如鱗如縠又如雲值今明聖崇儒
日流水無心見至文

石洞飛雲

國朝 張允中

石壁天開千歲古斷崖烟繞萬山空仙人跨鶴知何
處遺跡依然瞻望中

柏林積雪

國朝 張允中

霜姿秀削拂層巒又帶奇花傲歲寒一片冰壺孤月
照堪羞繁卉落江干

湫池舒光

國朝 張允中

山光深鎖紫龍潭鬱鬱蒼蒼香雨涵五色從中通變
化烟花一帶小江南

澮灘落雁

國朝 張允中

經天一畫挾雲漢繞澮三秋帶夕陽有意爲民除草
穢年年露冷浴寒塘

絳山曉日

國朝 張允中

孤峯天半染朱霞遠接蘇門秀色賒旭旭明珠訝復
旦巖封猶自有光華

絳縣志

卷之十四 藝文第三

十三

古剎靈泉

國朝 張允中

誰知淨土產靈窪朝覆慈雲暮起霞甘苦原來皆自
得半隨明月護曇花

春遊南神廟

國朝 李拔萃 邑人

習習和風漠漠烟春光滿目足畱連千峯合拱呈青
翠二水分流滙碧川到眼好花排錦繡穿林黃鳥弄
絲絃我今亦有山翁意倒着接羅向遠天

府君廟古柏

國朝 白雲 邑人

古廟深棲不記年輪困盤曲接雲烟屢經霹靂神

旺久歷風霜氣愈堅蒼老不居三代後翥隆宜在二
陵前虛中况足容車馬韜晦何知雪後天

龍澗早春

國朝 姚媀公 邑人

尋芳曲澗識龍津澹蕩清光鬪早春夙稔盈科流澤
遠俄驚解凍化機神掠波舞燕風迴翼戲水遊魚日
照鱗最喜陽和先到處源頭活潑倍宜人

前題

喬大乾 邑人

春光不爲九龍私

土人呼其地
爲九龍溝

地近陽和生意滋岸

草乍萌泥解凍澗冰初泮水流漸風來先覺吹微暖

絳縣志

卷之十四

藝文第三

十三

日過還欣去漸遲鳥語蜂遊知氣候尋芳聊復快追
隨

鳳岡疊翠

朱孔陽 邑人

參差古樹聳高岡爲愛山名號鳳凰濃蔭春深遮遠
嶺疏林秋老透斜陽層層似有千霄意鬱鬱曾無溜
雨傷樵斧不驚柯葉茂欲尋佳景在煙莊

甲子老人

邑令 陳 宣

城杞勞輿人老人不言苦疑年不紀年生時甲子古
僂指算支干四百四十五二首並六身太史能細數

往者辱泥塗今復雜工賈復陶效一官聊喜器不窳
爲政以老辭不屑晉卿伍豈惟薄衆流常笑師曠瞽
俯視趙孟才直謂口尚乳

絳山曉日

芙蓉幾朵秀堪餐影射扶桑日一竿回首萬里臨絕
頂勝他手板拄來看

古刹靈泉

竇乳噴成八顆珠三泉好景似西湖

刹前三泉並出

山僧他

日聽清響六一先生曾記無

六一泉在杭州孤山予至古刹水流左右故云

絳縣志

卷之十四

藝文第三

古

石洞飛雲

千年鍊石碧山隈雲鎖柴門叫不開只怪白雲飛不
去誰知石洞又飛來

澹灘落雁

一行斜照落山暉似雪蘆花捲釣磯昨夜數聲嘹唳
過秋風影裏雁南飛

絳縣行春

邑令夏寶晉

青巾分隊舞絲杖逐時新城小宜名保官卑不辟人
喬松猶抱雪宿麥已回春歲暮曾無事蕭然自出塵

陳象臣觀察

名夢說
絳縣人

再駐明州呈詩二首

嚴天召

旬宣

特簡大賢才浙水東西紫氣來
政邁鄴侯開井養文
高孫綽賦天台舊邦喜見車重駐
遮道欣看酒數杯
屬吏趨陪光霽近
併幪長願荷昭回

南邦宣化仗鴻才兩院交留喜
再來郡邑仰籌開百
雉京坻奏績上三台
新詩高勗陽春曲舊地歡添介
壽杯觀察府前棠蔭在
官民長盼爲公回

絳縣志

卷之十四

藝文第三

十五

撤公槐歌

撤公絳縣人名君賜
前明荊州府訓導

李若嶂

廣文先生官自冷一腔熱血光炯炯
化作虹氣青天
高機槍萬丈卻芒穎
咄彼闖賊動地來烽烟四起妖
勢猛狼跳兕叫紛塵囂官逃吏走空
楚郢公獨慷慨
發激昂赫然怒坐明倫堂
只有心肝奉君王元精中
貫髯戟張小醜見之皆辟易
無如蜂衆齊猖狂縛諸
大樹神色壯那懼環而森
戈鋌彎弓注矢賊與語
僉欲生公公不許厲聲罵賊奮
礮礮三晝三夜甘箠楚
但求泮宮一尺土碧血淋漓真
死所披髮從容訴大

荒孤忠懷烈耀鼎俎我家桐鄉接提封惟公桑梓逾
敬恭况復備員守茲邑瓣香下拜欽人龍荆江浩淼
秀蘭芷絳山迢遞超芙蓉我今語公公應笑雲初故
國冠蓋重訪古偶稅城東駕公安門外聊消暇居人
艷說撤公椀靈風蕭颯夕陽下

莅絳未滿三月受代留別吏民三首

夏寶晉

舍館蕭然擬索居清寒風景莅官初前生不善方爲
吏一息能閒肯廢書所部何嘗知疾苦同僚相契在

絳縣志

卷之十四

藝文第三

六

迂疏雪來柳往剛三月莫笑匆匆策蹇驢

祥翼紛糝不嫌多訢牒稀疏慰獨哦素食無飢慙曠
職青苗未秀懶催科春燈影亂煙花繞社鼓聲高笑
語和與爾豐年皆

帝力早完租稅樂如何

受代歸來得晏眠藐姑山色落牕前梅花索笑驚孤
夢柏葉題銘過瘦年問字生徒宜載酒送行父老莫
齎錢生平清白非奇節休遣虛名萬口傳

絳學署留霞居題壁

王軒

萬事信前定愚智從坐致奈何有飲啄反益形神累
山縣宛舊經息裝得初地兩窗相向明牖戶溢松翠
老僕燒土銚交艇助悽吹夜深躡孤月起視楹書異
一榻留塵慙似知今我至誰言千里井甯必後來事
因果吾未知何能負一醉質明待朝霞破我蒙被睡

其二

霜重畏晨寒孤城跼佳眺牆鄰古殿陰雲物殊清妙
一角西窗明隔林逗遠燒南窗未上日半壁漏回照
日落山氣青殘紅一颯燿風來曳之散一動一變貌

絳縣志

卷之十四

藝文第三

十七

後來方未窮畫工愈難肖追摹惜已失少曠不及到
貪得忘目前事過徒追悼寺鐘動將晚虛聽濟羣竅

其三

一飽無餘謀窮愁願已足亦知非己能斃斃匡輪轂
坐負先人廬塵書高際屋寒宵飽饑鼠開卷從誰讀
此室深且明雪窗竹交綠老梅不待種自響階前玉
瘦鄰宜吾容前人感誰築經旬飫墜味霜圃拳苜蓿
留照先生槃青燈伴影獨空桑得毋戀信信還宿宿

庚辰元日感懷

邑令

劉

斌

一

今年氣象覺微好作吏驚心已一年我考古書疑故

絳說見序文志因舊纂述新田今新志仍舊志未敢改從臆說山川總屬

兼坊晉時勢方須善後賢蒿目愧無安養術遺黎何

以致堯天絳在唐為甸服地

登鏡煙樓望絳山曉日示邑士

何山如此峻齊雲瑞日承光更不羣煙雨樓開來紫

翠滄溟霞擁絕塵氛名都自昔雄新故新故絳均人以山得名

傑於今溯悼文應有秀靈鍾後輩晨鐘日聽學須勤

和庚辰元日感懷元韻

訓導

劉兆雲

絳縣志

卷之十四

藝文第三

十六

雪梅迎歲各爭先有脚陽春到一年善政無私施賑

米仁心有術策荒田河聞虎渡除民害境不蝗飛避

令賢卻喜閒衙叨惠及

龍光分荷仰

皇天

和登鏡煙樓望絳山曉日元韻

何人握管健凌雲學識三長首冠羣舊志百年光日

月俗埃三斗撲塵氛子京重作前朝史公幹今增

盛世文慚我才疎貂欲續勉隨驥尾効殷勤

明吉大來舊志序 嘉靖己未

志以紀事也絳爲堯之故墟歷年旣遠沿革不同其地之高阜俗之儉嗇民之質朴勤苦未之有改也古人所謂憂深思遠所謂泐泐乎有陶唐氏之遺風今幸猶有存者顧邑自肇建以來未嘗有志而人文物產漫無可稽嘉靖戊午霜橋李公謂郡邑無志是謂缺典吾有司之責也於是屬余輯之余考諸古今典籍索之斷簡殘碑比事分類採輯成編若田畝所以充貢賦徭役所以稽民數山川以察形勝地里以分

絳縣志

卷之十四

藝文第三

十九

遠邇人才以驗氣化之盛衰官師以著疏績之得失此事之所必記而志之所由成也觀志者觀田畝之數而任土作貢之義明矣觀徭役之繁而用一緩二之心切矣觀山川形勝地里遠邇據地設險防守之慮周矣觀人才之盛衰官師之淑慝育才旌淑勸勉之意寓矣志之所係豈其微哉於戲英服哲采宦於斯者不可勝紀老師宿儒抱良史之才者亦不可勝紀而數百年來迄無一志以紀其實而霜橋公乃能展采開先肇斯曠典使一邑之乘缺於百年而成於

一旦捐俸壽梓用圖久遠可謂達爲政之務可謂大有功於時公其可少乎哉因序及之

明陶登舊志序

萬曆三十三年

余髫時雅嗜春秋以其紀二百四十年之行事無虛美無隱惡誠萬代不刊之典非他史之多所訾議者比日者暫憇田野取舊所讀書一屬目焉絳之選士續君唐祚謁余道邑之大夫新纂志成懇余序諸首蓋以絳之有志歷年旣久山川固未有改而時異勢殊變態萬狀凡觀風至者索實錄以稽典故則故者

絳縣志

卷之十四

藝文第三

三

傳聞多所未紀卽間有紀者又皆溫媪之疑魚魯之謾每爲於邑黃侯治絳數年興廢舉墜尤加意於邑志先是入計時開局纂修命亞侯趙君禮羅貢生趙君續君等執筆細心裁訂刪其繁補其缺序其紊正其舛諸弗軌於筆削者毫不假借經年而告成爲卷凡六爲條四十有奇條各有說要皆曹好曹惡宛然一春秋華衮斧鉞之義也侯於案牘之餘不憚運斤再加刪正俾其金根沿舊已亥聿新然後付之剞劂誠一邑之實錄也余惟邑之有志猶國之有史史以

紀一國之實觀之可以鏡得失志以紀一邑之事觀之可以知利害矧絳爲唐堯甸服晉文故墟漢周勃食邑凡弔古之士必披閱焉則所以鏡其隆替之故動其興除之心者將於此志係之矣豈徒備觀覽玩物情而已哉侯之善政不止成志事志成而侯之善政具可觀已是爲序

國朝趙士宏舊志序

順治己亥

嘗考絳爲晉都新田地山西新通志以爲今之絳縣曲沃詩傳注唐在今絳州郡志于翼亦曰春秋爲晉

絳縣志

卷之十四

藝文第三

三十一

之絳邑後改曰翼絳之名其由來遠矣歷代沿革不一疆域併裂於是州有志沃有史翼有乘而縣亦有志焉嘉靖創始萬歷再葺吉陶二序詳且盡矣余自戊戌治絳下車來卽詢掌故而絳人僉云箐林發難之際鋟梓盡付祝融亟力購遺止得斷簡噫邑之有志猶國之有史將以編年紀事昭往而勸來也修舉乏人考証罔據豈非守茲土者之過歟余皇然是懼亦旣聚族而謀敢請老成名宿各就蠹譜俾出鴻裁爰刪穰以芟繁並補遺而訂誤書將殺青廣文張君

述其顛末比於元晏客有過余者曰新志簡潔詳明甫開卷而絳之山川人物瞭若列眉誠實錄矣夫絳在曩或稱都會或號侯封其間沿革代更亦得聞其遺烈乎余曰周成王封叔虞于唐子燹改國號曰晉後徙曲沃復自曲沃遷都于翼而以其故都曲沃封成師是爲桓叔其後桓叔之孫武公滅晉仍都曲沃子獻公始都絳至景公遷於新田復命新田爲絳而以故都之絳爲故絳客曰故絳據史傳爲今絳州地無疑曲沃卽新田也何景公謀去故絳不云復都曲

絳縣志

卷之十四

藝文第三

三

沃而言遷於新田豈新田曲沃爲兩地乎余曰然今之聞喜古曲沃地今之絳縣曲沃古新田地也新通志所紀誠是客曰左傳引絳縣老人事最著安見絳縣新田爲一地乎余曰老人當晉悼城杞之年在景公遷都之後旣命新田爲絳自不名新田而名絳縣矣客曰絳爲都奚以縣名余曰史傳晉幽公時止有絳縣曲沃二邑何亦以邑稱絳耶况郡縣之法始于秦周制視近今亦或有別乎郡志又載翼於春秋爲晉之絳邑後改曰翼則翼之先亦絳地也及漢興併

翼入絳爲絳縣封周勃今曲沃翼城志中所紀無異也東漢加邑宇至後魏始析絳縣地爲三一置曲沃縣爲今曲沃之始蓋漢武帝破南粵時已改古曲沃爲聞喜矣而此卽絳縣地而另置之也一置北絳郡後復爲翼一置南絳縣自是之後而絳沃翼遂分矣竊以爲絳之名當起於山若水今絳山爲邑主鎮去縣二十里智伯所謂絳水可以灌安邑者其源又出自城西山靈川秀地居上游歷千祀而名莫易絳誠古今來名區哉他若太行綿亘中條逶迤而涑澮沸絳縣志

卷之十四

藝文第三

三

濂之波及隣壤者探本窮源無不過絳而問焉賢人君子生於其間往往有陶唐冀遺風餘思雖當分析之後猶颯颯若前日也是合沃翼而絳自若卽析沃翼而絳亦自若也然則沃史翼乘州志具在焉絳縣志又烏可少哉客起謝聞教遂因序志而漫及之

國朝張允中舊志序

順治己亥

天下之大人物之多是非之相準進退之可憑非國史無以紀錄而散諸一邑則有山川土田物產形勝風俗錢穀寺觀古蹟及夫官方人物流寓等類又國

史之所不能悉錄也此邑志之所必需也而抑又有說焉開闢以來有處於日增者有處於日變者當變之數則天地曾不足以一瞬然而變則必增當增之增亦有變且夫一代之風氣必有所尚必有所習必有所忻必有所厭有所尚必有所救有所習必有所返有所忻必有所奪有所厭必有所樂往往然也而必拘故跡而尋之譬之少小出門老大還鄉見里之人猶曰此昔之童而未弁者如故也彼昔之頽白相

往來者如故也豈理也哉况魚魯豕亥傳其訛風雨垂魚失其真志之所關若何而可漫焉不修耶絳於古晉僻處東南其間沿革之故廣狹之分土之肥瘠俗之散澆志詳紀之矣余不具論獨考其志之始末在明初爲缺典嘉靖戊午始補其缺至萬歷年間一修於今五十餘年主斯土者從不乏人而板刻字漫飄搖攻嚙卒未嘗議修或修之而不果將使唐堯甸服晉文公故墟漢周勃侯食邑無所考証而與草木同朽採風者之所憾也且

聖朝定大業海內萬象一新普天皆王土獨此憂深思遠之鄉不能復新梨棗司土者之所短也邑侯趙公爲燕臺名碩來治於絳百廢俱興慨然以修志爲己任延邑之歷練老成者則有陳子所性張子熙載博學多才者則有譚子田明各出所長共襄厥事者則有尉子登陞侯子國鼎凡爲卷有五爲條三十有奇數旬事竣邑侯於公餘更加刪訂開卷一閱全經變增之數燎若指掌而不但已也紀其所尙卽知所以救之者紀其所習卽知所以返之者紀其所忻與絳縣志

卷之十四

藝文第三

三

厭卽知所以奪之者樂之者推之任土作貢之義用一緩二之法以及據地設險育才旌淑之意無不可取鏡於茲矣是真一邑之史也卽所以佐國史之不逮也而吾謂俱侯之力侯爲人簡易慈祥節儉正直不屑媒術不爲逢迎軟美之事士之能讀書者待之如上賓愛百姓不啻如赤子焉其所以大過人者尤在心之一塵不染可以對天地鬼神而無愧修志特其一斑云

絳縣古晉都也今之曲沃與翼皆絳地分疆畫界各據所守其稱謂遂殊然山水皆以絳得名而以絳爲縣從古不易閱前志舊敘考核頗詳其爲古絳無疑也獨計絳爲名區春秋以來名人碩績史不勝書乃鄰邑所載各有實錄而絳獨歷久無志前明霜橋李公創始於嘉靖戊午而記述簡略窮於耳目萬厯中年黃侯稍復增益至順治己亥邑令趙公延訪採擇彙集成編頗爲詳密自是以後無復修輯余初下車披閱邑乘心竊悼之以爲

絳縣志

卷之十四

藝文第三

三

國朝定鼎百餘年

聖明作述治化翔洽其在上之教化與在下之風俗無論遠邇各蒸蒸然登於上理故忠孝節義之士往往接跡其間豈此邦竟寂寂不聞耶且文人著述名士科第未嘗無鴻章顯秩可以表見當時而乃散而不收棄而不錄况於空山逸德石室藏書其伏而不出隱而弗彰者何可勝道哉有志之士思欲景仰前徽追蹤懿範而失所考據感發無從則名教之植將誰是賴余於鞅掌之暇方思增補舊籍會牧伯張公

檄屬修志遂得爲所欲爲爰是禮聘高明分任良士
資所聞見以備採擇富厚者不得倖入窮約者無所
沈淪去僞存真刪繁補缺上自星野下逮藝文合舊
志併爲一十四卷分條別類千百年典故事跡庶幾
展卷燎如而膚辭骹語概從芟削後之覽者尙更廣
爲搜羅詳加訂正以是爲裨諶所草創固余之所厚
幸其或於披尋之下慨然興復古之思而補弊救廢
返諸儉樸於絳邑亦或有裨云